

Samþykkt þessi staðfestist hér með samkvæmt vatnalögum nr. 15 20. júní 1923, 209
til þess að öðlast gildi þegar í stað og birtist til eftirbreytni öllum þeim, sem hlut 30. nív.
eiga að máli.

Félagsmálaráðuneytið, 30. nóvember 1960.

F. h. r.

Hjálmar Vilhjálmsson.

Hallgrímur Dalberg.

G J A L D S K R Á

fyrir Rafmagnsveitu Reykjavíkur.

210

30. nív.

I. RAFORKA

Rafmagnsveita Reykjavíkur selur raforku á þann hátt og við því verði, sem hér segir:

A. Lýsing.

Þar sem raforkan er aðallega notuð til lýsingar, skal hún seld:

1. Um kwst.mæli á 338 aura hver kwst.
2. Um hemil eða hemil-mæli á 426 kr. hvert árshektóvatt, og skal hemilstillingin ávallt standa á heilu hw. og bil milli tveggja stillinga eigi vera minna en 10% hinnar hærri. Umframnotkun skal seld samkv. gjaldskrárlið A 1.
Samkvæmt þessum lið má selja útiljós, enda þótt mælitækjum verði ekki við komið. Þenna gjaldskrárlið má nota fyrir götulýsingu, enda greiði notandi þá viðhald að auki.

3. Um kwst.mæli á 85 aura hverja kwst., auk fastagjalds, er nemi 426 kr. á ári fyrir allt að 25 m² gólfplatarmáls í rúmi því, er lýsa skal, og 13 kr. fyrir hvern m² umfram 25². Fullt flatarmál skal greiða af gólfleti í búðum, vinnustofum og skrifstofum, en fyrir geymslur og ganga skal deila fermetragjaldinu með 3.5.
4. Á 334 kr. fyrir hvert kw. og öll notkun á 85 aura kwst., ef um meira en 2.5 kw afl er að ræða, og notkunartíminn er meiri en 600 klst. á ári. Verði ekki aflmælingu við komið undir þessum gjaldskrárlið, skal reikna 15 wött á hvern fermetra gólfplatarmáls.
Sé notuð lýsing með flúrlömpum, er heimilt að miða gjald samkv. 1.—4. tölul. við voltampere í stað watta.

B. Rafmagn til almennrar heimilisnotkunar.

1. Um tvönnu kwst.mæla, annan til ljósa, en hinn til heimilisvéla. Um ljósamælinn reiknast ljósagjald samkv. A 1, á hinn mælinn 85 aurar á kwst. Þenna gjaldskrárlið má einnig nota fyrir skrifstofur, verzlánir og verkstæði, en þó ekki fyrir 3-fasa hreyfla.
2. Um einn kwst.mæli á 75 aura hver kwst., og auk þess fastagjald kr. 72.00 á ári af hverju íbúðarherbergi heimilisins.

Eftir þessum gjaldskrárlið má selja rafmagn til suðu til veitingahúsa, gisti- húsa og annarra slíkra staða, sem ekki verða talin heimili, enda sé þá rafmagnið selt um sérmæli og leiga goldin af sérmælinum, en herbergjagjald ekki reiknað.

Selja má og til súgþurrkunar á heyi samkvæmt þessum gjaldskrárlið.

- 210** 3. Um hemilmæla 2575 kr. hvert árskw., og auk þess 11 eyri á kwst. fyrir umframnotkun. Hemilstillingin skal vera minnst 500 wött, að viðbættum 100 wöttum fyrir hvert íbúðarherbergi fram yfir tvö.

Þenna gjaldskrárlið, B 3, má einnig nota fyrir skrifstofur, verzlánir og verkstæði, þó eigi fyrir 3-fasa hreyfla, og skal þá miða stillingu hemilsins við 500 wött fyrir fyrstu 25 m² gólfflatar eða minna, og síðan 100 wött fyrir hverja 12 m² eða minna, og skal reiknaður út eftir sömu reglum og settar eru fyrir gjaldskrárlið A 3.

Reglur um útreikning herbergja.

Í útreikningi á fjölda herbergja í íbúð skal aðeins telja stofur og svefnherbergi o. þ. h., en ekki eldhús. Herbergi minna en 5 m² skal telja sem hálf, en stærra en 25 m² sem tvö. Þar sem meðalstærð herbergja í íbúð er minni en 10 m² má reikna með þeirri meðalstærð. Þegar heildartala herbergja hefur verið reiknuð út samkvæmt þessu, skal hún hækkuð upp í heila næstu tölu, ef stendur á hálfu.

C. Vélar.

Þar sem raforka er notuð til vélareksturs, skal hún seld:

1. Um kwst.mæli á kr. 1.51 hver kwst. Hafi vélarnar mjög stuttan notkunartíma á ári, má krefjast minnsta árgjalds frá 300 til 350 kr. á hvert uppsett kw. vélanna. Sé um meira en 5 kw.afl að ræða og notkunartíminn er meiri en 500 klst. á ári, má veita afslátt á þeirri notkun, og reikna gjaldið þannig:
50.000 kwst. á 100 aura hver kwst. og notkunin umfram það á 73 aura hver kwst.
2. Um mestu-mæla fyrir mesta notað afl, ef um meira en 5 kw. afl er að ræða og notkunin er meir en 500 klst. á árinu, þannig:
460 kr. á árskw. fyrir fyrstu 50 kw.
380 kr. á árskw. fyrir næstu 50 kw.
305 kr. á árskw. fyrir umfram 100 kw.
og auk þess skal greiða kwst.gjald, er reiknast þannig:
Fyrstu 200.000 kwst. ársnotkun á 24 aura hver kwst.
Umfram 200.000 kwst. ársnotkun á 18 aura hver kwst.
3. Um hemilmæla á 1660 kr. árskw. og 85 aura á kwst. öll umframnotkun. Rafmagnsstjóri ákveður stillingu hemilmælisins í hvert skipti í hlutfalli við vélaaflið.
Þenna gjaldskrárlið má einnig nota til hitunar í iðnaði.

D. Hitun.

1. Um kwst.mæli á 36 aura kwst., enda sé þá minnsta notkun 10.000 kwst. á ári.
2. Um kwst.mæli á 30 aura á kwst., ef straumur er rofinn með klukkurofa frá kl. 10.45 til 12.00 og frá kl. 18.30 til 19.45. Sameina má þenna gjaldskrárlið B 2, enda skal þá talið á B 2-lið 1500 kwst. notkun fyrir eins herbergis íbúðir og 600 kwst. að auki fyrir hvert herbergi, sem þar er fram yfir, allt að 3900 kwst. á ári. Selja má rafmagn samkvæmt þessum gjaldskrárlið og þá án klukkurofa, þar sem umframnotkunin fer til neyzluvatnshitunar, stærri kæliklefa og á vatnsdælur til heimilisþarfa.
3. Um kwst.mæli á 21 eyri á kwst., ef straumurinn er rofinn með klukkurofa, frá kl. 10 til 12 og 2 klst. á tímanum frá kl. 17 til 21.
4. Um kwst.mæli á 13 aura á kwst., ef straumurinn er rofinn með klukkurofa frá kl. 9 til 21, enda séu nægilega stórir hitageymar settir upp fyrir dagnotkun.

ina. Þegar um er að ræða hitun á húsrúmi, sem er yfir 2000 m³ að stærð eða aðra hliðstæða notkun á afl, er heimilt að láta í té straum á tímanum 12.30 til 15.30, ef þörf gerist. 210 30. n6v.

5. Um tvígjaldsmæla á 18 aura kwst. frá kl. 22 til 9, og 76 aura hver kwst. frá kl. 9 til kl. 22.

Selja má raforkuna samkvæmt þessum lið til véla, ef um meira en 5 kw. afl er að ræða og notkunartíminn meiri en 500 klst. á ári, enda straumur rofinn af lögninni með klukkurofa frá kl. 10.45 til kl. 12.

Skilyrði fyrir raforkusölu til hitunar.

- Að vélaafl, götulinur og spennur þoli álagið að dómi rafmagnsstjóra.
- Að notandi kosti tengingu klukkurofa og greiði leigu fyrir hann samkvæmt reglum, sem gilda um leigu mæla.
- Að hitalagnir, þar með talin öll tæki, séu gerð samkvæmt fyrirmælum Rafmagnsveitunnar, ofnar fasttengdir með sérstökum rofum og hitastillar notaðir.

E

Þegar sérstaklega stendur á, má rafmagnsstjóri selja raforku eftir sérstökum samningi, þó eigi lengur en til eins árs í senn, nema til komi samþykki bæjarráðs.

F

Gjald fyrir götu- og hafnarlýsingu ákveður bjarstjórn eftir tillögum bæjarráðs.

G

Fyrir hver full 5%, sem kaupgjald hjá Rafmagnsveitu Reykjavíkur hækkar eða lækkar, hvort heldur er sökum breytinga á kaupgjaldsvisitölu eftir 1. marz 1959 eða grunnkaupi, er heimilt að hækka eða lækka raforkureikninga Rafmagnsveitunnar um 4%. Telji bjarstjórn Reykjavíkur nauðsyn á, að rástafanir séu gerðar til að draga úr rafmagnsnotkun, er henni m. a. heimilt að hækka rafmagnsverðið á notkun umfram meðalnotkun í hverjum gjaldskrárlíð allt að 10-földu verði. Í útreikningi meðalnotkunar skal tekið tillit til orku- og aflþarfar.

II. MÆLALEIGA

Rafmagnsstjóri ákveður stærð og gerð mælitækja, sem nota skal fyrir veitu hverri, og er sú ákvörðun skuldbindandi fyrir notandann, sem skal greiða árleigu af mælitækinu samkvæmt eftirfarandi skrá:

Tegund mælitækis	Upp að 30 amp. kr.	35—50 amp. kr.	50—100 amp. kr.	Yfir 100 amp. kr.
Einfasa kwst.mælar, hemilmælar, hemlar og lausar skiptiklukkur einar sér	32			
Þrífasa kwst.mælar, þrífasa hemilmælar, einfasa frádráttarmælar, lausir	72	120	144	240
Tvígjaldsmælar, mestumælar	120	144	216	360

Af öðrum mælitækjum en þeim, sem nefnd eru í skránni, skal leigan vera sem næst 15% af mælitækisverðinu, og semur rafmagnsstjóri nánari skrá um leiguna. Leigan skal innheimt um leið og gjald fyrir raforku.

210

III. OPNUNARGJALD OG TENGIGJÖLD

30. nóv.

- a. Hafi gjald samkv. gjaldskrá þessari eigi verið greitt, svo að til lokunar fyrir veitu hafi komið, skal taka gjald fyrir enduropnun 25 krónur.
- b. Ef fundin eru óleyfileg vör við skoðun eða of stór, skal veitunni lokað tafarlaust, og verður hún eigi opnuð, fyrr en notandinn hefur greitt 25 króna gjald í skrifstofu Rafmagnsveitunnar.
- c. Fyrir skoðun á raflögn við úttekt skal greiða tengingargjald, er reiknast þannig:

1. Nýjar veitur:	Fast gjald	kr. 12.00
	og auk þess á hverja grein	— 4.00
2. Breyttar veitur:	Fast gjald	— 8.00
	og auk þess á breytta grein	— 2.00
	og auk þess á nýja grein	— 4.00

Fyrir endurskoðun skal greiða tvöfalt gjald.

Fyrir smávægilegar breytingar, þegar ekki er um að ræða aukningar, má sleppa fastagjaldi.

IV. HEIMTAUGAGJÖLD

Heimtaugagjöld skal miða við flutningsgetu heimtauganna samkvæmt töflunni, sem hér fer á eftir.

Fari jarðstrengsheimtaugar fram úr 15 m eða loftlínuheimtaugar fram úr 40 m, skal húseigandi greiða yfirlengdargjald eins og taflan sýnir:

Liður nr.	Málstraumur málmraun	Jarðstrengur	Jarðstrengur		Loftlína	
			Lágmark kr.	Yfirlengd kr/m.	Lágmark kr.	Yfirlengd kr/stólpa
1	25 A	1-fasa			2400	2800
2	60 A	—	3700	240	2800	3200
3	100 A	—	4900	290	3600	4000
4	25 A	3-fasa			2800	3200
5	60 A	—	4900	290	3600	4000
6	100 A	—	6600	330	4800	5000
7	200 A	—	13200	500	9600	6000
8	350 A	—	23100	750		
9	150 kVA	—	26500			
10	300 kVA	—	53000			
11	500 kVA	—	88500			

Málstraumur, A, merkir amper. Málraun, kVA, merkir kilóvoltamper (sérspennistöð).

Lengd jarðstrengsheimtaugar reiknast frá lóðarmörkum við götu stytztu greiðfæru leið að varkassa.

Lengd loftlínuheimtaugar reiknast frá næsta stólpa í notendalínu við götu stytztu greiðfæru leið að varkassa.

Gjaldskrá þessi gildir í skipulögðum hverfum innan lögsagnarumdæmis Reykjavíkur, í Kópavogi, Seltjarnarneshreppi og Garðahreppi.

Sé um óskipulagt svæði að ræða eða aðstæður óvenjulegar, er heimilt að krefjast sérstaks aukagjalds af húseiganda.

Heimtaugagjald skal greitt við umsókn.

Sé nauðsynlegt að setja upp spennistöð vegna ákveðins notanda og hún að mestu leyti notuð í þágu hans, skal notandanum skylt að leggja til lóð undir stöð-

ina, Rafmagnsveitunni að kostnaðarlausu, og skal hann í öllu hlíta skilmálum **210**
Rafmagnsveitunnar um stærð lóðarinnar og staðsetningu stöðvarinnar. 30. nóv.

V. ÝMIS ÁKVÆÐI

A. Söluskattur.

Söluskattur samkv. lögum nr. 10/1960, um söluskatt, er talinn með í upphæð gjalda þeirra, sem um ræðir í gjaldskrá þessari.

B. Gildistaka.

Gjaldskrá þessi öðlast gildi þegar í stað. Jafnframt falla úr gildi gjaldskrár nr. 94/1958 og nr. 21/1959.

C. Bráðabirgðaákvæði um framkvæmd gjaldskrárbreytingarinnar.

Verðhækkun sú, sem fólgin er í gjaldskrá þessari á raforku og mælaleigu, skal framkvæmd samkvæmt eftirfarandi reglum:

1. Notkun samkvæmt álestri mánuði eftir gildistöku gjaldskrárinnar skal greidd eftir eldri gjaldskrá með 6% álagi.
2. Notkun samkvæmt álestri í öðrum mánuði eftir gildistöku gjaldskrárinnar skal greidd samkvæmt eldri gjaldskrá með 12% álagi.
3. Notkun samkvæmt álestri í þriðja mánuði eftir gildistöku gjaldskrárinnar skal reiknuð á einingarverði gjaldskrár þessarar og síðan öll notkun úr því.

Gjaldskrá þessi, sem bæjarstjórn Reykjavíkur hefur samið og samþykkt, staðfestist hér með samkvæmt vatnalögum nr. 15 20. júní 1923, og raforkulögum nr. 12 2. apríl 1946.

Atvinnumálaráðuneytið, 30. nóvember 1960.

Gunnar Thoroddsen.

Gunnlaugur E. Briem.

Staðfesting forsetans á skipulagsskrá fyrir barnaheimili Templara, Skálatúni, **211**
útgefin á venjulegan hátt að mandatum af dómsmálaráðherra 16. desember 1960. 16. des.
Skipulagsskráin er þannig:

SKIPULAGSSKRÁ

fyrir barnaheimili Templara, Skálatúni.

1. gr.

Barnaheimilið er stofnað af Umdæmisstúkunni nr. 1 í Góðtemplarareglunni á Íslandi, samkvæmt fundarsamþykkt á haustþingi hennar 16. nóvember 1941.

2. gr.

Barnaheimilið er sjálfseignarstofnun.

3. gr.

Eignir stofnunarinnar eru samkvæmt ársreikningi 31. des. 1959:

A. Jörðin Skálatún ásamt mannvirkjum, bókfært verð kr. 1 040 000.00.